

羅整菴

處士羅整菴先生名欽順字允升江西太和人朝廷屢詔不起嘉靖中復徵爲吏部尙書亦固辭是時璵萼用事整菴岩居杜門潛心格致之學嘗云立身行以必先打破義利關頭否則擾擾到底所著有困知紀

謝子佩

達士謝子佩先生廷蒞富順人也嘉靖進士官浙江簽事遂歸養不出萬厯初巡撫曾省吾奏廷蒞隱居三十年著書樂道宜加京秩風勵山林詔卽家贈太僕少卿時人稱爲山中太僕

陸子傳

道藏輯要

三丰全集

隱鑑

四

續巽集七
川上

達士陸子傳先生師道長洲人也登嘉靖進士甫仕儀部卽告歸養時年未三十也杜門卻掃三十餘年手抄典籍數千卷風流儒雅爲世所宗而其清高好道尤人不能

李印南

逸士李印南先生應箕字子騎黃岡麻城人也萬厯間世尙苛條遂爲老圃不出時兩廣賦稅頻加南北之民多有如菜色者印南作老圃吟曰吁嗟圃兮吾與爾猶存吁嗟蟲兮毋嚙我菜根肉糜此上人之所食而非野人之所宜聞者咸太息焉嘗於鋤下掘一龍神像朝夕虔奉忽夢有金甲碧面者與語片時以後決未來事效應如響一日謂其弟與子曰今蜀三大寇

已平矣賢者避世其次避地乃背其神往迹跡川中

虞長儒

達士虞長儒先生涪熙錢塘人也萬曆進士仕吏部主事解官歸得葛嶺栖霞之勝衝煙躡屐終日陶然黃憲庸傳之曰以儒爲行以立爲功以禪爲歸以山水爲寄托以詞翰爲遊戲誠足囊括平生矣

安我素

達士安我素先生希範無錫人也仕吏部主事以昌言罷官歸杜門不出出則乘一舫圖陶元亮張季鷹蘇端明米南宮諸名賢於倚窗爲煙水伴恣其所之樂而忘返

道藏輯要

三才全集 隱鑑

聖

續畢集七

姚公綬

達士姚公綬先生綬嘉善人也由御史出知永甯府解官歸作滄江虹月之舟往來吳越間望之者宛若神仙中人家設亭館名曰丹邱人稱爲丹邱先生

周叔大

處士周叔大先生奕演之金齒人也幼而奇嶷長益凝重其學問一以知止爲歸力耕養母不撓勢利嘗遇一丹士欲以術授之奕曰多金何爲內丹何如寡慾外丹何如節用子休矣我儒門道士其取精用宏也久矣

陸嗣端